

佛說佛十力經（標楷體處引自《大智度論·卷24》）

西天譯經三藏朝奉大夫試光祿卿傳法大師賜紫沙門臣施護等奉 詔譯

如是我聞。一時佛在舍衛國祇樹給孤獨園。與苾芻眾俱。是時佛告諸苾芻言。汝等當知如來應供正等正覺。有十種力具是力者。即能了知廣大勝處。於大眾中作師子吼轉妙梵輪。何等為十。

- (一) 所謂如來於一切處如實了知。一切非處亦如實知。由實知故是為如來**第一處非處智力**。如來應供正等正覺具是力者。即能了知廣大勝處。於大眾中作師子吼轉妙梵輪。
(是處不是處如實知——一力也)
- (二) 復次如來於過去未來現在。一切有情諸所作業。若事若處若因若報皆如實知。由實知故是為如來**第二業智力**。如來應供正等正覺具是力者。即能了知廣大勝處。於大眾中作師子吼轉妙梵輪。
(知眾生過去、未來、現在諸業、諸受，知造業處，知因緣，知報——二力也。)
- (三) 復次如來於諸禪定解脫三摩地。三摩鉢底。若染若淨。諸定分位皆如實知。由實知故是為如來**第三定智力**。如來應供正等正覺具是力者。即能了知廣大勝處。於大眾中作師子吼轉妙梵輪。
(知諸禪、解脫、三昧、定，垢、淨分別相如實知——三力也。)
- (四) 復次如來於諸有情。若自若他種種根性皆如實知。由實知故是為如來**第四根智力**。如來應供正等正覺具是力者。即能了知廣大勝處。於大眾中作師子吼轉妙梵輪。
(知他眾生諸根上下相如實知——四力也。)
- (五) 復次如來於諸有情種種信解。皆如實知。由實知故是為如來**第五信解智力**。如來應供正等正覺具是力者。即能了知廣大勝處於大眾中作師子吼轉妙梵輪。
(知他眾生種種欲——五力也。)
- (六) 復次如來於種種界無數界性。皆如實知。由實知故是為如來**第六界性智力**。如來應供正等正覺具是力者。即能了知廣大勝處。於大眾中作師子吼轉妙梵輪。
(知世間種種無數性——六力也。)
- (七) 復次如來於一切至處道。皆如實知。由實知故是為如來**第七至處道智力**。如來應供正等正覺具是力者。即能了知廣大勝處。於大眾中作師子吼轉妙梵輪。
(知一切道至處相——七力也。)
- (八) 復次如來於無數種宿住隨念。所謂一生二生。三四五生。或十二。乃至百生千生。無數百千生中。百千成劫壞劫。成壞等事。我在彼有情中隨所生處。如是名字。如是種姓。如是族氏。如是飲食苦樂。如是壽量長短分限。壽命盡已於某處生。此滅彼生。彼滅此生。此等事相緣法方處。無數種類。宿住隨念皆如實知。由實知故是為如來**第八宿住隨**

念智力。如來應供正等正覺具是力者。即能了知廣大勝處。於大眾中作師子吼轉妙梵輪。
(知種種宿命，共相、共因緣，一世、二世乃至百千世劫；初劫盡，我在彼眾生中，如是姓名、飲食、苦樂、壽命長短，彼中死是間生，是間死還生是間；此間生名姓、飲食、苦樂、壽命長短亦如是——八力也。)

(九) 復次如來清淨天眼過於人眼。觀見世間一切有情生時滅時。若好若醜若貴若賤。若生善趣。若生惡趣。隨所作業如實知見。若諸有情身語意業。作不善行。毀謗賢聖。起諸邪見。邪見業法合集為因。以彼因緣身壞命終。墮在惡趣地獄中生。若諸有情身語意業。作諸善行。不謗賢聖。起於正見。正見業法合集為因。以彼因緣身壞命終。在於善趣天界中生如是等事皆如實知。由實知故是為如來**第九天眼智力**。如來應供正等正覺具是力者。即能了知廣大勝處。於大眾中作師子吼轉妙梵輪。

(佛天眼淨，過諸天人眼，見眾生死時、生時，端正、醜陋，若大、若小，若墮惡道、若墮善道，如是業因緣受報：是諸眾生惡身業成就、惡口業成就、惡意業成就，謗毀聖人，邪見、邪見業成就；是因緣故，身壞死時入惡道，生地獄中。是諸眾生善身業成就、善口業成就、善意業成就，不謗聖人，正見、正見業成就；是因緣故，身壞死時入善道，生天上——九力也。)

(十) 復次如來所有諸漏已盡。非漏隨增。心善解脫。慧善解脫。見如是法智證自果。我生已盡梵行已立。所作已辦不受後有。皆如實知。由實知故是為如來**第十漏盡智力**。如來應供正等正覺具是力者。即能了知廣大勝處。於大眾中作師子吼轉妙梵輪。佛說此經已。諸苾芻眾聞佛所說。皆大歡喜信受奉行。

(佛諸漏盡故，無漏心解脫，無漏智慧解脫，現在法中自識知：我生已盡，持戒已作，後有盡，如實知——十力也。)

[以下引自《大智度論·卷24》]

問曰：是十力，菩薩未得，聲聞、
T25n1509_p0236a15(01) || 辟支佛所不能得，今何以說？ 答曰：
T25n1509_p0236a16(03) || 聲聞人雖不能得，若聞是十力功德，作是念：
T25n1509_p0236a17(02) || 「佛有如是大功德」；自慶言：「我等善利，
T25n1509_p0236a18(03) || 蒙益不少，得信心清淨，入盡苦道。」 諸菩薩者聞之，
T25n1509_p0236a19(00) || 懃修菩薩道，當得如是十力等大功德果。
T25n1509_p0236a20(00) || 復次，有聲聞人及菩薩，修念佛三昧，
T25n1509_p0236a21(02) || 非但念佛身，當念佛種種功德法身。 應作是念：
T25n1509_p0236a22(00) || 佛一切種、一切法能解故，名「一切智人」；
T25n1509_p0236a23(02) || 一切法如實善分別說故，名「一切見人」；
T25n1509_p0236a24(04) || 一切法現前知故，名「一切知見無礙人」；
T25n1509_p0236a25(05) || 等心一切眾生故，名「大慈悲人」；有大慈悲故，名為
T25n1509_p0236a26(02) || 「世救」；如實道來故，名為「如來」；
T25n1509_p0236a27(06) || 應受一切世間供養故，名為「應供人」；成就不顛倒智慧故，
T25n1509_p0236a28(00) || 名「正遍知」；戒、定、慧智成就故，名「明行」；

T25n1509_p0236a29(02) || 成不復還故，名「善逝」；知世間總相別相故，名
T25n1509_p0236b01(02) || 「世間解」；善說出世間安隱道故，名
T25n1509_p0236b02(05) || 「無上調御師」；以三種教法度眾生故，名「天人師」；
T25n1509_p0236b03(02) || 一切世間煩惱睡，能自覺亦能覺人故，名為「覺人」；
T25n1509_p0236b04(00) || 一切所願具足故，名「有德」；十力成就故，名
T25n1509_p0236b05(00) || 「堅誓」；得四無畏故，名「人師子」；
T25n1509_p0236b06(05) || 得無量甚深智故，名「大功德海」；一切記說無礙故，名
T25n1509_p0236b07(02) || 「如風」；一切好醜無憎愛故，名「如地」；
T25n1509_p0236b08(04) || 燒一切結使薪故，名「如火」；善斷一切煩惱習故，名
T25n1509_p0236b09(00) || 「具足解脫」；最上處住故，名為「世尊」。
T25n1509_p0236b10(02) || 佛有如是等諸功德故，應念佛。 以是故，
T25n1509_p0236b11(03) || 菩薩摩訶薩欲得佛十力、四無所畏、十八不共法，
T25n1509_p0236b12(00) || 當學般若波羅蜜。 復次，
T25n1509_p0236b13(08) || 佛在王舍城耆闍崛山中，說是般若波羅蜜時，
T25n1509_p0236b14(07) || 佛四部眾及諸外道，在家、出家，諸天龍、鬼神等，種種大眾集
會。
T25n1509_p0236b15(00) || 佛入三昧王三昧，放大光明，
T25n1509_p0236b16(05) || 遍照恒河沙等世界，地六種震動，
T25n1509_p0236b17(09) || 說是般若波羅蜜六波羅蜜，乃至三無漏根。 是中有眾生，
T25n1509_p0236b18(04) || 疑有何等力，有幾種力故，
T25n1509_p0236b19(10) || 能作如是不可思議感動利益？ 佛知眾生心有如是疑故，
T25n1509_p0236b20(04) || 言我有諸法實相智力，是力有十種，用是十種智故，
T25n1509_p0236b21(00) || 能作如是感動變化，亦能過是所作。
T25n1509_p0236b22(02) || 以是故言「欲得十力，當學般若波羅蜜」。 復次，
T25n1509_p0236b23(02) || 佛弟子世世殖善根，以少罪緣故墮外道。
T25n1509_p0236b24(02) || 諸外道常言：「佛非實有功德力，
T25n1509_p0236b25(06) || 是幻術力誑惑人心。」佛弟子墮外道者心疑：「若爾者，
T25n1509_p0236b26(02) || 佛非大人。」欲滅是惡謗故言：「我實有十力、
T25n1509_p0236b27(02) || 四無所畏故度眾生，非是幻誑也。」 復次，
T25n1509_p0236b28(03) || 諸菩薩修菩薩道，苦行事，難辦難成故欲懈怠，
T25n1509_p0236b29(01) || 是故佛言：「行是十力，當得無量果報。」
T25n1509_p0236c01(02) || 譬如估客主慰喻商人言：「汝等慎勿疲倦，
T25n1509_p0236c02(02) || 精勤努力，得至寶山，當得七寶如意寶珠。」
T25n1509_p0236c03(02) || 佛亦如是安慰諸菩薩言：「無得疲厭，當勤精進，
T25n1509_p0236c04(00) || 修菩薩道；行是十力，當得無量果報。」
T25n1509_p0236c05(02) || 如是等種種利益因緣故，說十力等。 問曰：
T25n1509_p0236c06(02) || 佛有無量力，何以故但說十力？ 答曰：
T25n1509_p0236c07(04) || 諸佛雖有無量力，度人因緣故，說十力，足成辦其事：
T25n1509_p0236c08(00) || 以是處不是處智力，分別籌量眾生，
T25n1509_p0236c09(03) || 是可度是不可度；以業報智力，
T25n1509_p0236c10(07) || 分別籌量是人業障，是人報障，是人無障；
T25n1509_p0236c11(08) || 以禪定解脫三昧智力，分別籌量是人著味，是人著味；

T25n1509_p0236c12(02) || 以上下根智力，分別籌量眾生智力多少；
 T25n1509_p0236c13(02) || 以種種欲智力，分別籌量眾生所樂；
 T25n1509_p0236c14(04) || 以種種性智力，分別籌量眾生深心所趣；
 T25n1509_p0236c15(04) || 以一切至處道智力，分別籌量眾生解脫門；
 T25n1509_p0236c16(03) || 以宿命智力，分別眾生先所從來；以生死智力，
 T25n1509_p0236c17(00) || 分別眾生生處好醜；以漏盡智力，
 T25n1509_p0236c18(03) || 分別籌量眾生得涅槃。佛用是十種力度脫眾生，
 T25n1509_p0236c19(00) || 審諦不錯，皆得具足。以是故，
 T25n1509_p0236c20(05) || 佛雖有無量力，但說此十力。復次，是處不是處力，
 T25n1509_p0236c21(02) || 定知從是因緣出是果報，是中總攝九力；
 T25n1509_p0236c22(02) || 為欲度眾生故，於初力中分別有九種。
 T25n1509_p0236c23(02) || 何以故？是世間眾生，
 T25n1509_p0236c24(10) || 現前見穀從種出而不能知，何況心心數法因緣果報？
 T25n1509_p0236c25(06) || 佛於內外因緣果報了了遍知，故名為力。
 T25n1509_p0236c26(07) || 佛知是眾生業煩惱因緣故縛，淨禪定三昧解脫因緣故解；
 T25n1509_p0236c27(01) || 是一切眾生三世三種諸業、諸煩惱，
 T25n1509_p0236c28(05) || 輕重深淺麤細，佛悉遍知，故名力。
 T25n1509_p0236c29(09) || 一切眾生諸禪定解脫三昧，大小深淺解脫因緣，佛悉遍知，故
 名力。
 T25n1509_p0237a01(00) || 眾生鈍根為後身故作罪福業因緣；
 T25n1509_p0237a02(02) || 利根人為不生故集諸業；
 T25n1509_p0237a03(08) || 佛悉知此上下根好醜相故名力。知一切眾生二種欲，
 T25n1509_p0237a04(03) || 作上下根因緣，二種欲善惡種種別異，佛悉遍知，
 T25n1509_p0237a05(01) || 故名力。二種欲由二種性因緣故，
 T25n1509_p0237a06(03) || 遍知眾生深心所趣，故名力。
 T25n1509_p0237a07(08) || 一切眾生種種性因緣故行二種道，所謂善道惡道，
 T25n1509_p0237a08(05) || 種種門所至處，佛悉遍知，故名力。
 T25n1509_p0237a09(09) || 過去未來世中因緣果報，智慧無礙，是名宿命生死智力。
 T25n1509_p0237a10(04) || 知過去未來因果已，悉知方便壞因緣果報相續，
 T25n1509_p0237a11(01) || 是名漏盡力。佛知三世中二種因緣，
 T25n1509_p0237a12(03) || 分別籌量眾生根、欲、性，為盡漏故說法，是漏盡力。

菩薩有十力否？

[以下引自《大智度論·卷25》]

問曰：佛有十力、四無所畏，
 T25n1509_p0245c27(03) || 菩薩有不？答曰：有。何者是？一者、發一切智心，
 T25n1509_p0245c28(02) || 堅深牢固力；二者、具足大慈故，不捨一切眾生力；
 T25n1509_p0245c29(00) || 三者、不須一切供養恭敬利故，
 T25n1509_p0246a01(04) || 具足大悲力；四者、信一切佛法，
 T25n1509_p0246a02(08) || 具足生一切佛法及心不厭故，大精進力；五者、

T25n1509_p0246a03(06) || 一心惠行威儀不壞故，禪定力；六者、除二邊故，
T25n1509_p0246a04(04) || 隨十二因緣行故，斷一切邪見故，
T25n1509_p0246a05(07) || 滅一切憶想分別戲論故，具足智慧力；七者、
T25n1509_p0246a06(06) || 成就一切眾生故，受無量生死故，集諸善根無厭足故，
T25n1509_p0246a07(00) || 知一切世間如夢故，不厭生死力；八者、
T25n1509_p0246a08(01) || 觀諸法實相故，知無吾我、無眾生故，
T25n1509_p0246a09(02) || 信解諸法不出生不生故，無生法忍力；九者、入空、
T25n1509_p0246a10(01) || 無相、無作解脫門觀故，知見聲聞、
T25n1509_p0246a11(05) || 辟支佛解脫故，得解脫力；十者、深法自在故，
T25n1509_p0246a12(05) || 知一切眾生心行所趣故，具足無礙智力。
T25n1509_p0246a13(05) || 是為菩薩十力。